

Na osnovu člana 40. stav 2. tačka e), a u vezi sa članom 8. st. 3. i 4. Zakona o ličnoj karti državljana Bosne i Hercegovine ("Službeni glasnik BiH", br. 32/01, 16/02, 32/07, 53/07, 56/08 i 18/12), Ministarstvo civilnih poslova donosi

**UPUTSTVO
O NAČINU DOSTAVLJANJA LIČNE KARTE DRŽAVLJANA BOSNE I HERCEGOVINE
POŠTANSKIM PUTEM**

Član 1.

(Predmet)

Uputstvom o načinu dostavljanja lične karte državljana Bosne i Hercegovine poštanskim putem (u daljem tekstu: Uputstvo), propisuje se, način dostavljanja, aktiviranje i dokaz o preuzimanju lične karte državljana Bosne i Hercegovine (u daljem tekstu: lična karta) poštanskim putem, dokaz o preuzimanju lične karte, mjesto dostavljanja, način evidentiranja podataka o preuzimanju lične karte i troškovi dostavljanja lične karte.

Član 2.

(Izbor dostavljanja lične karte poštanskim putem)

Prilikom podnošenja zahtjeva za izdavanje lične karte državljanin BiH, u skladu sa odredbama člana 8. stav 3. Zakona o ličnoj karti državljana BiH, može izabrati da mu se ista dostavi poštanskim putem, popunjavanjem odgovarajuće rubrike u zahtjevu.

Član 3.

(Način dostavljanja i dokaz o preuzimanju lične karte)

(1) Ministarstvo unutrašnjih poslova Republike Srpske, kantonalna ministarstva unutrašnjih poslova u Federaciji Bosne i Hercegovine i u Brčko Distriktu BiH nadležni organ koji funkcionalno djeluje kao državna institucija (u daljem tekstu: nadležni organi), nakon što zaprime personaliziran obrazac lične karte, obavezni su odmah, a najkasnije u roku od tri dana, ličnu kartu dostaviti javnom preduzeću za poštanski saobraćaj s ciljem uručenja podnosiocu zahtjeva.

(2) Dostavljanje lične karte se vrši u obliku preporučenog zatvorenog pisma sa dostavnicom.

(3) Lična karta se aktivira i postaje važeća danom upućivanja, putem pošte, podnosiocu zahtjeva od strane nadležnog organa.

(4) Smatra se da je dostavljanje lične karte poštom izvršeno kad državljanin BiH ili drugo ovlašteno lice preuzme ličnu kartu, potpisivanjem dostavnice kao dokaza o preuzimanju lične karte.

(5) U slučaju kada je državljanin BiH postupio u skladu sa stavom (4) ovog člana, dostavnica se ulaže u spis predmeta.

(6) Ako se lična karta podnosiocu zahtjeva ne uruči putem pošte u određenom roku, ona se vraća nadležnom organu, gubi aktivan status i može se naknadno preuzeti kod organa koji je izdao ličnu kartu.

Član 4.

(Mjesto dostavljanja)

Lična karta državljaninu BiH dostavlja se putem pošte, isključivo prema mjestu prebivališta, odnosno boravišta podnosioca zahtjeva.

Član 5.

(Troškovi dostavljanja lične karte poštanskim putem)

Troškove dostavljanja lične karte putem pošte plaća podnosilac zahtjeva prilikom podnošenja zahtjeva, unaprijed prema tarifi dostavljača.

Član 6.

(Stupanje na snagu)

Ovo Uputstvo stupa na snagu osmog dana od dana objavljivanja u "Službenom glasniku BiH", a primjenjivat će se od dana donošenja Odluke o početku izdavanja ličnih karata sa elektronskim memorijskim elementom.

Broj 06-30-2-352/13
19. februara 2013. godine
Sarajevo

Ministar
Mr **Sredoje Nović**, s. r